



COMUNICACIÓN PARA PROFESIONAIS SANITARIOS

Adaptación temporal do calendario de vacinación en Galicia

Problema de subministración de vacinas con compoñente fronte á tose ferina

Antecedentes

Nos últimos meses as compañías GlaxoSmithkline e Sanofi Pasteur MSD comunicaron dificultades de subministración das vacinas que conteñen antíxenos fronte á tose ferina como consecuencia de dificultades xurdidas na súa produción. Este problema dáse a nivel mundial e afecta fundamentalmente as vacinas pentavalentes e as trivalentes dTpa utilizadas no calendario de vacinación infantil.

Nestes momentos é difícil estimar o tempo necesario para resolver esta situación, que podería prolongarse a medio prazo.

Esta situación non afecta á seguridade das vacinas dispoñibles e que utilizamos actualmente.

Resposta

En resposta a esta situación, as Comunidades Autónomas coordinadas desde o Ministerio de Sanidade, Servizos Sociais e Igualdade, puxeron en marcha diversas actuacións para darlle unha resposta adecuada e minimizar as repercusións sobre os programas de vacinación.

Estamos en contacto coas autoridades sanitarias da Unión Europea para intercambiar información relativa a este problema común e buscar solucións conxuntas.

Realizáronse as xestións necesarias coas compañías farmacéuticas subministradoras para dispor das vacinas e presentacións alternativas para suplir as vacinas afectadas, especialmente na serie primaria de vacinación, e cubrir as necesidades de doses para cumprir a estratexia de adaptación transitoria do calendario de vacinación acordada pola Comisión de Saúde Pública na reunión do 11 de maio de 2015.



Adaptación transitoria do calendario de vacinación infantil en Galicia

Elaborouse unha estratexia común que as CCAA implementarán segundo a súa situación. En base a elo en Galicia presentouse a situación á Comisión Asesora de Enfermidades Inmunoprevibles e acordouse consensuadamente a seguinte adaptación do calendario de vacinación

1- Pauta de primovacinação

O obxectivo prioritario do programa de vacinación fronte á tose ferina é a prevención das hospitalizacións e falecementos nos menores de tres meses de idade.

Dada a escaseza de vacina pentavalente, para cumprir este obxectivo sen alterar a protección fronte ao resto das enfermidades inmunoprevibles, **substituirase a dose de vacina pentavalente dos 4 meses por unha hexavalente**, preservando as pentavalentes dispoñibles para a dose de recordo aos 18 meses.

O calendario actual presenta unha dose de vacina fronte á hepatite B ao nacemento polo que esta adaptación transitoria supón a administración de catro doses de vacina fronte á hepatite B. A seguridade da recepción de doses adicionais de vacina fronte á hepatite B (máis alá das tres habitualmente recomendadas) está suficientemente contrastada por experiencias noutros países da Unión Europea.

2- Recordo dos 18 meses

Este recordo realizarase con vacina pentavalente (DTPa-VPI-Hib), sempre que sexa posible e se dispoña de doses desta vacina.

En caso de non dispor de vacinas pentavalentes, administrárase unha dose de vacina hexavalente.

A seguridade da recepción de doses adicionais de vacina fronte á hepatite B (máis alá das tres habitualmente recomendadas) está suficientemente contrastada por experiencias noutros países da Unión Europea.

3- Recordo dos 6 anos

No calendario de vacinación, a dose de recordo dos 6 anos está previsto que se realice con vacina dTpa. Nesta situación é necesario atrasar a administración desta dose ata dispor de doses suficientes. Dado que o obxectivo desta dose é manter a protección a longo prazo, non se considera que exista un incremento de risco por este atraso. Se algún punto dispón de doses desta vacina pode seguir a utilizalas ata que as remate.





RESUMO

O calendario de vacinación infantil en Galicia queda temporalmente co seguinte esquema

Adaptación do CALENDARIO do PGV – maio 2015*

0 meses Hepatite B	2 meses Vacina hexavalente Pneumo conxugada	4 meses Vacina hexavalente Meningo C Pneumo conxugada	6 meses Vacina hexavalente	12 meses Triple vírica Meningo C Pneumo conxugada
18 meses Vacina Pentavalente OU Hexavalente	3 anos Triple vírica	6 anos dTpa Aprazada temporalmente	12 anos Varicela, só susceptibles Meningo C	14 anos Td VPH (virus do papiloma humano): A partir do 2016 administrárase aos 14 e aos 12 anos

* Adaptación temporal, mentras duren os problemas de suministro das vacinas pentavalentes e dTpa

Esta situación está revisándose permanentemente e, no caso de que as xestións realizadas permitan dispor de maior número de doses ou normalizar a situación, será comunicada calquera modificación ao respecto.

Santiago de Compostela, 13 de maio de 2015

A Directora Xeral de Innovación e Xestión da Saúde Pública

O Director Xeral de Asistencia Sanitaria



Sonia Martínez Arca



Ramón Ares Rico



